


AWIG-AWIG

DESA ADAT KUBAKAL



**KECAMATAN RENDANG
KABUPATEN DAERAH TINGKAT II
KARANGASEM**

Artos Nyasa Desa Adat Kubakal

widang bucu lima mapiteges : Petitis lan pamikukuh Desa Adat Kubakal medasar Panca Sila.

Padi lan kapas mapiteges : Ngapti kerahajangan jagat.

Candi Bentar mapiteges : Pura Puseh Desa Adat Kubakal dados kalih wiguna :

aa. Pinaka Pura Puseh olih ikrama Desa Adat Kubakal.

bb. Pinaka Kawitan olih Warga Pasek Pretaka Kubakal.

Suastika mapiteges : Catur Purusa Artha maka tetujon Kauripane

Rhineka Fka Citta mapiteges : Melarapan antuk nyikiang pikayuun maursaha ngardinin desane gemuh landuh Kertha Raharja.

Amatra nganinin indik satwa Desa Adat Kubakal

Om Awignam Astu Nama Sidham.

Pangacep manah titiyang mantuka ring Ida Bhetara-bhetari madaya dumadak Ida asung kertha lugraha, mawastu presida antuk tiyang nyaritayang indik kawit Desa Adat Kubakal.

Kirang langkung wilangan Isaka Warsa 1257 utawi bulan Juli 135 De Lurah Kubakal Putra Idha Sang Preteka kautus olih Raja Bali Iha Sri Gajah Wakra utawi Sri Gajah Wahana rauh ke Bali ngiring Iha Sri Gajah Wakra midabdabin jagate ring Bali.

Risampune Idha De Lurah Kubakal rauh ring Bali rahina Soma manis Wara Sungsang Isaka Warsa 1257 raris Idha Kapodgala Amanca mi ring penepi kauh jagat Karangasem sane kewastanin Kubakal, maning Idha De Lurah Kubakal sane makalin utawi maka pangriyin idabdabin jagate manut sekadi titah Idha Sri Gajah Wakra.

Risampune sue Idha jumenek ring Kubakal raris Idha kagebug Iih Ki Panji Sakti saking Buleleng nanging nenten mresidayang, Ki Panji Sakti setata paling nenten mangguhing margi duaning sisi kaler Desa Kubakal puniki ketabeh antuk alas sane ngandang kewastanin Wana Igug tur saha sane mangkin kewastanin Desa Alas Ngandang.

Saking Kepagehan ipune Ki Panji Sakti ngeka winaya raris presida antuk ipun ngebug lan nyarah Kubakale, ngantos De Lurah Kubakal rauh ke panjak Idane kesah saking Kubakal, raris Kubakal uniki mewali dados alas malih.

Kasuen-suen wenten raris warga-warga saking dura Desa minekadi warga Tangkas Kori Agung, Warga Gelgel, Warga Kayu Selem muang sane iosan rauh memondok ring Kubakal turmaning mekarya pekilitan krama sane kewastanin Desa Adat Kubakal, sane kemiletin sareng 34 diri urmaning rauh mangkin Desa Adat Kubakal puniki kesanggua antuk 34 ayahan.

Asapunika wiwit wasthan Desa Adat Kubakal.

Ainggih asapunika sane prasida antuk titiyang nyaritayang kawit Desa Adat Kubakal puniki, sakewanten ampura dahat atur tiyang riantukan titiyang dahating wimuda nenten uning ring tata itining, dumadak dumadik nenten ngawinang duleg kayun sang ledang gewacen satwan kawit Desa Adat Kubakal Puniki.

PINDAGING

MAKA BANTANG AWIG-AWIG DESA ADAT KIIRA

MURDHA - CITTA

PRATAMA SARGAH ARAN LAN WEWIDANGAN

DWITYA SARGAH PATITIS LAN PAMIKIUKUH

TRITYA SARGAH SUKERTA TATA PAKRAMAN

Palet 1	Indik Krama	1
Palet 2	Indik Prajuru/Dulun Desa	2
Palet 3	Indik Kulkul	3
Palet 4	Indik Paruman	4
Palet 5	Indik Druwen Desa	5
Palet 6	Indik Sukerta Pamitegep	5
	Kaping 1 Karang Lan Tegal	5
	Kaping 2 Kekayonan	6
	Kaping 3 Wewangunan	6
	Kaping 4 Wewalungan	7
	Kaping 5 Indik Bhaya	7
	Kaping 6 Indik Penyanggran Banjar	7

ATHURTAS SARGAH SUKERTA TATA AGAMA

Palet 1	Indik Dewa Yadnya	8
Palet 2	Indik Resi Yadnya	9
Palet 3	Indik Pitra Yadnya	10
Palet 4	Indik Manusia Yadnya	11
Palet 5	Indik Bhuta Yadnya	11

ANCAMA SARGAH SUKERTA TATA PAWONGAN

Palet 1	Indik Pawiwahan	12
Palet 2	Indik Palas Merahian	13
Palet 3	Indik Sentana	14
Palet 4	Indik Warisan	14

AT SARGAH WICARA LAN PAMIDANDA

Palet 1	Indik Wicara	15
Palet 2	Indik Pamidanda	16

APTAMA SARGAH NGUWAH NGUWIHIN AWIG-AWIG

STAMA SARGAH SAMAPTA.

MURDHA - CITTA

"Om Swastyastu, Om Awignamastu Nama Sidham"

Mutusung Paseban Krama Desa Adat Kubakal, gumawe Awig-Awig Desa Pakraman maka sepat siku-siku pamatut, wastu kasidan prayojanan mami cabeh presama angidep mwah amanggeh aken kadi linggih Awig-Awig iki.

PRATAMA SARGA

ARAN IAN WAWIDANGAN DESA

Pawos 1

- (1) Desa Adat puniki mewasta " DESA ADAT KURAKAI "
- (2) Wewengkon wawidangannya mewates nyatur mekadi:
 - ha. Sisi Watan Desa Adat Pempatan
 - na. Sisi Kulon Desa Adat Kebon
 - ca. Sisi Lor Desa Adat Alasgandang
 - da. Sisi Kidul Desa Adat Putung.
- (3) Wewengkon Desa Adat puniki kewangun antuk Tanah Ayahan Desa, turmaning kesanggra antuk Banjar Kubakal.

DWITTYA SARGA

PATITIS IAN PAMIKUKUH

Pawos 2

- Desa Adat Kubakal ngemanggehang Dasar lan pamikukuh minekadi :
- (1) Pancasila;
 - (2) Undang-undang Dasar 1945.
 - (3) Trihita Karana.

Pawos 3

- Desa Adat Kubakal ngemanggehang petitis luiripun :
- (1) Mikukuhin muang ngerajegang Agama Hindu.
 - (2) Ngerajegang kasukertan Desa saha pawongannya sekala niskala.

TRITTYA SARGA

SUKERTA TATA PAKRAMAN

Palat 1

Indik Krama

Pawos 4

- (1) Krama Desa Adat inggih punika kulewarga sane meagama Hindu ngemong tanah ayahan Desa, utawi jumenek ring sawidangan Desa Adat Kubakal.
- (2) Sejaba punika sinanggeh tamiyu.

Pawos 5

Krama Desa wenten kalih pawos, luire :

- (1) Krama ngarep, keluarga sane ngemong tanah ayahan Desa.
- (2) Krama balu angkep, keluarga sane nenten ngemong tanah ayahan Desa sakewanten sampun mawiwaha.

Kawit dados Krama Desa :

- (1) Sangkaning ngemong Tanah Ayahan Desa.
- (2) Mawiwit pawiwahan.
- (3) Sesampun 3 (tigang) sasih jumenek magenah riantukan ngererah pangupajiwa sajeroning palemahan Desa Adat Kubakal, sane sampun bulangkep.
- (4) sinunggil sasih kesanga mejalaran antuk tetengeran arep ring Krama Desa ngemong ayahan Desa.

Pawos 7

tehanan Krama Desa sane kena tetegenan utawi ayah-ayahan :

- 1) Ayah Nyumek, mapiteges urunan miwah ayahan mamungkul saking krama ngarep.
- 2) Prade wenten sinalih tunggil, Krama Desa matilar sedereng puput karya utawi wewangunan, wenang krama inucap kené pamidanda tajak tilar gung arta nikel ring krama sane kantun jumenek.

Pawos 8

rama Desa kedadosang :

- 1) Mapoangkid utawi tan tedun rikala : meyadnya lan metepatin utawi keluasan.
- 2) Nyada mapiteges ngemademang ayahan risampun mayusa 65 (enem Dasawarsa lima) warsa :
 - ha. Sampun wenten nyeledinin olih sentanane sane merabian pinih rihin.
 - ka. Sane macihna sungkan-sungkanan.
 - 3) Nyuksukin tur sane kawenangang risampun munggah deha truna utawi risampun meresidayang nganutin ayahan krama.

Pawos 9

usan dados Krama Desa, luire :

- 1) Sangkaning pinunas ngeraga, manawi kesah kedure desa utawi nge-
langkungin segara.
- 2) Kanorayang, dwaning sampun tan preside ngesahin solah maprewerti setata memurug kecaping Awig-awig.
- 3) Sang wusan mekrama Desa tan polih pah-pahan padruwen Desa, miwah tan polih pesayuban.

Palet 2

Indik Prajuru Utawi Dulun Desa

Pawos 10

- 1) Desa Adat Kubakal keenterang antuk Prajuru Desa maka pemucuk Bendesa Adat.
- 2) Tata cara ngadegang Prajuru inggih punika :
 - ha. Mawiwit saking ayahan ngarep tur nenten cedangga.
 - na. Wikan nguacen lan nyurat aksara latin muang bali.

ca. Keadegang melarapan antuk pemilihan paruman Desa sinunggil 5
(limang) warsa, sejeroning sios indik, tur dados kapilih
malih saha kedulurin antuk upakara pejati ring Kahyangan
Desa utawi Desa saksi.

Pawos 11

- (1) Bendesa Adat kesanggra antuk :
 - ha. Petajuh utawi pangliman pinaka wakilnya.
 - na. Penyarikan pinaka juru surat.
 - ca. sedahan pinaka juru raksa.
 - ra. Kesinoman pinaka juru arah.
- (2) Kesinoman akehnya manut kewigunan saha magilir ngemasa.
- (3) Sajeroning ngenterang sukertan niskala Bendesa misinggi-
hang Pemangku Kahyangan Desa.

Pawos 12

- (1) Swadarmaning Bendesa Adat luire :
 - ha. Ngenterang pemargin awig-awig, pesuara miwah perarem.
 - na. Nuntun tur ngenterang krama ngupadiang petitis.
 - ca. mawosin kalih niwakang pemutus arep ring wicara Desa.
 - ra. Maka duta metemuang bawos ring sapa sire ugi.
- (2) Prade Prajuru iwang pengelaksana kené pamidanda manut perarem.

Pawos 13

Petuas utawi olih-olihan Prajuru :

- ha. luput cerampen.
- na. Polih kalih tanding
- ca. Polih tanah pelaba.
- ra. Petias siosar manut perarem.

Pawos 14

- (1) Prajuru kagentosin riantukan :
 - ha. Seda.
 - na. Mecihna sungkan-sungkahan.
 - ca. Sangkaning pinunas ngeraga. ✓
 - ra. Kenorayang duaning iwang pemargi.
- (2) Ngenorayang utawi ngentosin Prajuru patut sejeroning paruman tur
keingkupin antuk Krama Desa.

Palet 3

Indik kulkul .

Pawos 15

- (1) Desa Adat patut madue kulkul.
- (2) kulkul sane wenten ring Desa Adat Kubakal luire :
 - ha. Kulkul Kahyangan.
 - na. Kulkul Desa.
 - ca. Kulkul Banjar.
 - ra. Kulkul Sekaa- sekaa siwosan.

- 5) Suaran tatepakan kulkul patut matiosan manut wiguna luire :
- ha. Tengeran wali, patut nguntit manut puja astawa.
 - na. Tengeran tedun ngayah, atuludan lambat.
 - ca. Tengeran kesediaan utawi kepadaman atuludan lambat ngantet ping 3 (tiga).
 - ca. Tengeran pawiwahan utawi nganten 3 (tigang) ketokan puput.
 - ka. Tengeran kapanca bhaya, 2 (kalih) tuludan bulus.
 - da. Tengeran gong/tanguran, atuludan lambat ngantos ping 2 (kalih).

Pawos 16

- 1) kulkul Desa utawi Banjar tan wenang katepak yening tan sangkaning pituah Prajuru sejawaning kapanca baya.
- 2) Sang nepak tan sangkaning pituah Prajuru patut digelis atur supeksa ring Prajuru, yan mamurug kedanda 100 Kg beras.
- 3) kulkul Seka-seka semaliha kulkul pondokan tan wenang matehin sukat utawi suaran kulkul Desa utawi Banjar, prada mamurug wenang kulkul inucap kedaut olih Desa utawi Banjar tur danda 25 Kg beras.

Palet 4

Indik Paruman

Pawos 17

- 1) Sangkepan lan paruman Desa Adat Kubakal wenten :
 - ha. Nyabran ngeasah, sanunggil Buda Keliwon.
 - na. Sangkepan Prajuru kawentenang manut wiguna.
 - ca. Paruman kawentenang padgata kala maka jalaran arah-arah manut tetujon.
- 2) Paruman Desa madudonan mekadi ring sor :
 - ha. Matengeran suaran kulkul.
 - na. Krama Desa utawi Banjar mangda mabusana adat yan mamurug kené pamidanda 3 Kg beras.
 - ca. maka srana janggi, jangginya separo ring dedosan.
 - ca. Preside lumaksana risampun katedunin antuk sang patut ngemiletin, saha maduluran antuk cane, sang tan makta cane kené pamidanda 2 Kg beras.
 - ka. Pemutus bebaos keaptiang mangda segilik-seguluk pacang ngupadiang patitis yan tan prasida, suara-suara sane makehan pinaka pamutus.
 - da. Tan kelugra ngewetuang suara gora utawi biyuta yan hana mangkana kené pamidanda biya pecamil gung arta 25 Kg beras.

Pawos 18

ing sejeroning sangkepan, Bendesa Adat patut ngewedar sepemargin engenter Desa ngeninin :

- a. Indik druwan Desa.
- a. Pengerencana muang utsaha Desa.
- a. Pemutus wicara.
- a. Ngelimbakang sehananing babuat sang Amawerat.

Palet 5
Indik Druwen Desa
Pawos 19

lik druwen Desa Kubakal kadi ring sor :

Pura Kahyangan Tiga, Pura Puseh, Pura Desa, Bale Agung, Pura Dalem, Pura Prajapati lan Pura Pabejian.

Tanah pelaba Pura Kahyangan Tiga 25.160 M².

Tanah ayahan Desa 34 ayahan.

Setra apalebahan inggih punika setra pamiun.

Bale Desa utawi Bale Banjar, genah pabejian, lan margi.

Gong abarung.

Ilen-ilen wali pura : rejang, pandet, baris.

LPD (Lembaga Perkreditan Desa).

Pawos 20

lih-olihan Desa Adat Kubakal :

Pikolih-olihan saking pelaba pura.

Ucunan krama Desa Adat.

Paica saking guru wisesa.

Dana punia tiosan sane patut.

Pawos 21

Prajuru utawi Dulun Desa wenang ngetangin pamupon laba pura lan sapeninggilan druwe Desa.

Pikolih lan penguponnya keanggen prabiya pindalan saha wewangunan ring pura.

Sakaluwiring druwen Desa patut wenten ilikitannya.

Ian kalugra ngadol utawi ngicalang padruwen Desa yan tan kasungkemin antuk krama Desa.

Sakaluwiring pabuat rencana patut karincikang olih Prajuru Desa, tur sesampun kapikukuhin paruman Desa wawu dados kemangiang.

Pawos 22

Sakaluwiring aturan, dana punia miwah sane siosan kekerabang olih Prajuru Desa.

Sehananing busana ring pura patut kasimpen ring pesimpenan Desa.

Palet 6

Indik Sukerta Pamitegap

Kaping 1

Karang lan Tegal

Pawos 23

Krama Desa pangemong Tanah Ayahan Desa, Karang lan Tegal patut ngewatesin tanah inucap antuk pagehan/turus utawi tembok mangda pekantenannya asli.

Watas tegal wenang megalang keteben.

Prade wenten karang kebebeng mangda keutsahayang polih margi.

Sinalih tunggil krama Desa tan kalugra ngelah-lah tegal, margi, tegak kahyangan, setra lan tegak sane kasinahang suci, yan mamurug kedanda gung arta 100 Kg beras, saha ngewaliang tegak sane kelahlah inucap. Kadulurin antuk bakti pemerascita, prade tegak inucap kasinanggeh suci.

Kaping 2

K a k a y o n a n

Pawos 25

Ngawit nandur tanem tuwuh patut adepa agung ngejeroang saking wates.

Prade wenten taru sane mentik ring sajeroning wates kengin kawara antuk penyanding, mangda taru inucap kerebah kesaksinin antuk Prajuru Desa tur taru inucap kapinaro tiga, asiki katur wates, muah sane kekalih kaepah ring sang madruwe wates manut lokika.

Prade wenten kasinanggeh mayanin, sang kajerihan patut atur tupeksa ring Prajuru Desa mangdene taru inucap kerebah sanistania kapunggul manut sepat gantung.

Prade wenten mayanin wewangunan, sane keni prabeya mecikang wewangunan inucap saha penyangaskara utawi pakeludan inggih punika :

- 1a. Sang sane madruwe wit taru sane kasinanggeh mayanin risampun polih kawara.
- 1b. Sang ngarebah utawi munggul taru inucap.
- 1c. Taru inucap kapinaro tiga, apah tigaan ke Desa, kalih pah tigaan kaepah ring sane madruwe wates manut lokika Desa patut ngemanggehang kewerdian tanem tuwuh sane ngawinang Desane asri tur lestari.

Kaping 3

W a w a n g u n a n

Pawos 26

Wawangunan sajeroning karang patut sekadi ring sor :

- 1a. Wawangunan ring karang paumahan tan kalugra ngungkulin panyengker Pura utawi Banjar. Yan mamurug kapidanda 50 Kg beras tur wangunan inucap patut kaured, sanistania kekaryanang abangan.
- 1b. Wawangunan soang-soang krama desa mawaneng sanistania adepa saking panyengker.
- 1c. Prade wenten wawangunan ring telenging wates, patut ngawentenang paigun ring penyandingnia tur masadok ring Prajuru Desa. Prade mamurug kantong riwekas mawicara wenang wawangunan inucap kagubar saha tan polih prabeya.
- 1d. Tan kalugra mapawangun ring karang desa sadurung polih panugraha saking Prajuru Desa. Yan mamurug kapidanda 100 Kg beras saha wangunan inucap patut kagubar.

Tan kalugra ngawangun tenten utawi genah maadolan ring telajakan pura, telajakan Banjar wiadin telajakan karang. yan mamurug kapidanda 50 Kg beras saha wawangunan inucap patut kagubar.

Kaping 4

Wewalungan

Pawos 27

Sebananing Krama Desa sane mamiara wewalungan, patut sayaga nitenin negul, ngandangin mangda tan ngarusak karang utawi pakubon krama siyosan, bilih-bilih kantos ngaranjing kapura.

Yan prade wenten mamurug kadi inucap ring ajeng, wewalungan inucap patut ketaban tan rangkungan ring arahina tur digelis atur supeksa ring prajuru, sang madruwe wewalungan wenang kapidanda 5 Kg beras sane asiki tur nawur prabeya sane karusak kalih maweweh panyangaskara yan kantos ngarusak genah sane kasinanggeh suci.

Yan ring pakarangan, miwah tegal patut ngawaliang sane karusak tur nebas wewalungan sane ketaban manut pengarga sane kaputus antuk prajuru desa. Sang naban polih saparo, kadesa utawi daga bhaya saparo. Yan tan prasida patut katur ring sang amawerat.

Krama Desa patut nyanggra wewalungan miwah sarwa prani, tan kapatut maboros utawi nube sarwa prani sane kemanggehang larangan Desa.

Kaping 5

Indik Bhaya

Pawos 28

Sane kasinanggeh bhaya punika panca bhaya.

Ritatkala katiben panca bhaya, sang sapa sira ugi kapatut nepak kulkul manut tetengeran bhayane tur sesampune nepak patut atur supeksa ring Prajuru Desa. Yan tan jati wenten bhaya wenang kapidanda 100 Kg beras.

tetengeran kulkul kepanca bhaya manut pawos 15 wiwit 3 aksara ka yan wenten Krama Desa katiben panca bhaya patut digelis atur supeksa ring Prajuru Desa kalih sang amawerat.

Pawos 29

Prade wenten Krama Desa sane sampun kepastika kasinanggeh asalning barang sane kasinanggeh suci/patut katur ring sang amawerat, tur sang mawicara kené upacara penyanggakara.

Seka praye lawan dusta patut katur ring sang amawerat.

Kaping 6

Indik Penyanggran Banjar

Pawos 30

Krama Desa rikala ngawentenang karya wenang kesanggra antuk Banjar manut wiguna.

CATHURTAS SARGAH
SUKERTA TATA AGAMA
Palaet 1
Indik Dewa Yadnya
Pawos 31

Dada kabanggehang Kahyangan Desa Adat Kubakal, luire :

- ca. Pura Puseh.
- ca. Pura Desa - Bale Agung.
- ca. Pura Dalem, lan Prajapati.
- ca. Babana piodalan soang-soang Kahyangan inucap, kadi ring sor :
- ca. Pura Puseh rikala : Purnamaning Sasih Kapat.
- ca. Pura Desa - Bale Agung rikala : Purnamaning Sasih Kapat.
- ca. Pura Dalem lan Prajapati rikala : Buda Wage Klawu.
- ca. Ranggepon soang-soang pura manut dresta kadi ring sor :
- ca. Pura Puseh keempon antuk Krama pengarep sane ngayahang tanah ayahan Desa.
- ca. Pura Desa/Bale Agung keempon antuk Krama Desa sami.
- ca. Pura Dalem/Prajapati keempon antuk Krama Desa sami.

Pawos 32

Ring soang-soang Pura Kahyangan Tiga, utawi Pura Kahyangan Desa ring Desa Adat Kubakal kawentenang Pemangku.

Dada cara ngadegang Pemangku sekadi ring sor :

- ca. Ngambil saking turunan wiadin waris.
- ca. Nunas pawuhus widi utawi nyanjan.
- ca. Kasudi olih Krama Desa Adat.
- ca. Turun sekar.
- ca. Tan wanang kadegang dados pemangku riantukan :
- ca. Cedangga (peceng, perot, cingih lan sapanunggalan ipun sejawaning nyanjan/turun sekar).
- ca. Kageringan (sakit ile, ayan, buduh lan sapanunggalan ipun).
- ca. Sacihna mapamargi corah.

Pawos 33

Swadarmaning Pemangku luire :

- ca. Nitandin lan nyanggra indik kasucian Kahyangan.
- ca. Ngantebang aturan ritatkala kalaksanayang aci, sajawaning kapuput olih Ida Pedanda.
- ca. Pemangku tan dados :
- ca. Ngambil anak seda.
- ca. Naaunyah.
- ca. Sarang magebagan.
- ca. Nyuluhin longlongan wiadin penyembuhan.
- ca. Matetegenan lan masasuhunan.
- ca. Dados saksi ring sajeroning wicara sejawaning kabuatang sang amawerat.
- ca. Tan mapegange sarwa petak ritatkala ngantebang bebanten.
- ca. Masumpah utawi nyayub cor.

Prade mamurug sinalih tunggil kecaping ring ajeng Pemangku
patut merayascita raga kesaksinin olih Prajuru Desa.

Pawos 34

Prade utawi olih-olihan Pemangku luire :
Upun pelaba tegal sejawaning kelapa lan gesing.
Muput cerampen.
Bisana sapuradeg sanunggil awarsa.

Pawos 35

Pemangku Desa kagentosin sangkaning :

- na. Seda.
 - na. Pinunas ngraga sasampun polih lugraha saking paruman Desa.
 - na. Macihna sungkan-sungkanan.
 - na. Kausanang macihna melaksana corah.
- Prade sinalih tunggil Pemangku kahyangan tiga kapialang sane
patut nyeledihi amung Pemangku Kahyangan Tiga sane siosan.

Pawos 36

Warta kahyangan kadi ring sor :

Tan kelugra ngeranjing ring pura luire :

Sang ketiben cuntaka, mekadi :

- na. Sebel kandel, ngeraja sewala, selami durung mebersih.
- na. Sebel madue putra selami 42 rahina utawi tutug kambuhan.
- na. Sebel pengantenan selami durung sayut byakaon.
- na. Sebel riantuk madue kepadaman kantong mesapuh, yan mamurug
pamidanda 10 Kg beras tur bakti pemrayascita.

Pratingkahe tan wenang ring pura :

- na. Mesumpah utawi mecoran sejawaning kelugra olih Prajuru, yan
mamurug keni pamidanda 100 Kg beras.
- na. Sehanan anak bebinjat sedurung meprayascita.
- na. Anak bobot sane nenten wenten anak ngangkenin sedurung nga-
margiang mewidi widana antuk ngadegang gegaman anak lanang
sekadi keris, saha kesaksiang olih Prajuru. Yan mamurug ke-
danda upacara pemrayascita pura tur mecaru.
- na. Munggah tedun ring pelinggih sejawaning pituduh Prajuru lan
Pemangku, yan mamurug kedanda 10 kg. beras.

Palet 2

Inik Rsi Yadnya

Pawos 37

Sang sadruwe yadnya patut ngaturang punia ring sane muput
yadnyane.

Pawos 38

Prajuru patut ngawas tur ngayomin, mialangin yan wenten pemargi
ngelantudin pemargin yadnyane.

- (1) Krama Desa Adat Kubakal patut ngawas, nitanin katuntun antuk Prajuru mangda yadnyane sane kawentenang kaicen pemuput olih Sang Sulinggih utawi Pemangku manut dresta.
- (2) Prajuru patut nuntun saha ngemanggala Krama Desa Adat Kubakal ngawas, nitanin sepemargin wikuna ring wewidangannia, pamekas mikukuhin kasucian linggih Ida.
- (3) Ngaturin Sang muput dana punia manut agung alit yadnyane.

Palet 3

Indik Pitra Yadnya

Pawos 40

- (1) Sang sapa-sira ugi sane madue kesediaan patut atur supeksa ring Prajuru Desa Adat yan mamurug kedanda 10 kg beras.
- (2) Tan wenang ngalalet sawa langkungan ring tigang rahina. Yan mamurug keni pamidanda 25 kg beras.
- (3) Tan kalugra nginepang bang-bang, yan mamurug keni pamidanda 25 kg beras tur bang-bang punika kaurug.

Pawos 41

- (1) Yening anak seda sangkaning salah pati, ulah pati wenang kepas-tikayang ring Prajuru Desa miwah ring Sang Amawerat.
- (2) Tan kedadosang mendem sawa ring rahina sane sinanggeh larangan, luiripun :
 - aa. Rahinan jagat luire : Buda Kliwon, Anggara Kliwon, Ruda Wage
 - ba. Purnama, Tilem, Prewani, Tanggal/Pangglong ping 9 (Gagak Anungsung Pati Ngaran).
 - ca. Semur Sedulur, Kala Gotongan, Lutung Magelut (rurung apit Setra).
 - da. Ida Bhatara nyejer.
 - ea. Yan mamurug keni pamidanda 50 Kg beras, saha bambang inucap tan magegumuk.
- (3) Pitatkala rahina larangan Desa, dados mendem makingsan maka cibna nganggen peloncor tur pandan tur sawe punika kemangiang rikala wangi.
- (4) Yening wenten Krama Desa seda langkungan ring adiri sajeroning arahina, pemargine mendema keatur olih Prajuru Desa, yan mamurug tan polih pengrambe saking Desa.
- (5) Yan wenten anak istri seda ngadut manik wenang kegeseng utawi kapendem, nanging garbania katatehin antuk batu.

Pawos 42

Sane tan keneng cuntaka ring Desa Adat Kubakal inggih punika :

- aa. Sang Sulinggih lan Pemangku Desa Adat.
- ba. Rikala pindalan sejaba sang sane madue kesediaan, rauh ring apekarangan tunggal.

tiwa-tiwa utawi Pengabenan ring Desa Adat Kubakal kelaksanayang manut paracem.

Palet 4

Indik Manusa Yadnya

Pawos 44

- 1) Manusa Yadnya inggih punika upacara darmaning manusa ngawit saking patemoning kama bang lan kama petak ring sajroning garba ngantos sada.
- 2) Upacara-upacara inucap kelaksanayang manut sastra agama sane bedadonan nista, madya, utama.

Palet 5

Indik Bhuta Yadnya

Pawos 45

- 1) Bhuta Yadnya inggih punika upacara-upacara byakala ring Ibu pertiwi lan Kahyangan, sarwa prani saha upacara-upacara ring babhutan.
- 2) Upacara Pabyakala ring pertiwi Kahyangan lan babhutan kewastanin secarui.
- 3) Pecaruan inucap ring ajeng nista, madya, utama manut wiguna kadi ring sor :
 - aa. Fka sata.
 - ba. Panca Sata.
 - ca. Panca Sanak.
 - da. Panca Kelud.
 - ea. Resi Gana.
 - fa. Tawur Agung.
 - ga. Balik Sumpah.
- 4) Sajawaning kadi ring ajeng kawentenang upakara :
 - aa. Yadnya sesa nyabran wisan ngerateng.
 - ba. Mesapuh-sapuh rikala pacang wali ring pura.

Pawos 46

- 1) Upacara bhuta Yadnya sane kemargiang ring Desa Adat Kubakal. Tawiripun :
 - aa. Pecaruan ring ulun setra Desa Adat Kubakal.
 - ba. Pecaruan ring catus pataning Desa Adat Kubakal.
 - ca. Cecaron sasih manut lontar Roga senggara Purna mwanng lontar Roga senggara Bumi.
- 2) Upacara Bhuta Yadnya kemargiang ring Desa Adat manut catur Cresta.
- 3) Pemargin upacara Bhuta Yadnya sane kasinanggeh ring palet 1 Tawiripun :
 - aa. Pecaruan ring ulun setra Desa Adat Kubakal.
 - ba. Pecaruan ring catus pataning Desa kemargiang ring tilem sasih kesanga.

ca. Pemargin cecaron sasih kemargiang nganutin daging lontar
sane kasinanggeh Roga Senggara Bumi.

Pawos 47

- (1) Rikalaning tilem sasih kesanga, Krama Desa wenang ngemargiang catur brata penyepian maka nihna Krama Desa ngemargiang rerahinan jagat sane kasinanggeh Nyepi.
- (2) Catur brata penyepian sane pastika kemargiang ring Desa Adat Kubakal minekadi :
 - ka. Amati Geni tan kedadosang ngendihang geni, sajawaning melarapan anak meduwe rare durung 3 sasih, matepetin anak sungkan medue layon utawi kesedayan. Ring sane kasinanggeh ring ajeng patut supeksa ring Prajuru Desa Adat.
 - ka. Amati Karya : Tan kedadosang ngembat karya utawi nyambut sebananing karya.
 - ca. Amati lalungayan : Tan kedadosang melelungayan, sejabaning wenten pabuat pemargin sekadi Panca bhaya, ngerereh tamba utawi anak jagi ngembasang putra sesampun supeksa ring Prajuru lan Sang Amawerat.
 - ca. Amati lalangon : Tan kedadosang nyuarayang sekancaning sane ngewetuang suara.
- (3) Yan mamurug sinalih tunggil kecap ring palet 2 sang mamurug wenang kedanda 5 kg beras.

PANCAMA SARGAH
SUKERTA TATA PAWONGAN

Palet 1

Indik Pawiwahan

Pawos 48

- (1) Perabian inggih punika Patemoning purusa lan pradana melarapan panunggalan kayun sukacita kadulurin upasaksi sekala niskala.
- (2) Perabian inucap mangda nganutin Awig Desa Adat Kubakal lan Pasukertan Sang Amawerat tur mangdene prasida kelaksanayang patut kasaksinin olih Prajuru.
- (3) Pemargin Perabian luwira :
 - ka. Pepadikan sangkaning maduluran suka cita lanang istri, tur paigum pikayun keluarga sang kalih.
 - ca. Merangkat (ngerorod) melarapan antuk suka cita lanang istri wates pejatine arahina ring awengi, Yan mamurug kecape ring ajeng kedanda 50 kg beras.
 - ca. Mapejati wenang ring reramane twi yan tan wenten wenang kerawuhang ring waris Kepurusa.
 - ca. Prade pemargin rangkate kesumangsayain sang meduwe wirange dados ngemargiang penegdeg tur penegdege mangda kesarengin olih Prajuru Desa lan Sang Amawerat.
 - ka. Yan pemargin rangkate tan sangkaning krama suka, wicarania katur ring Sang Amawerat.
 - ca. Sedurung ngeluku utawi makta jauman, Sang ngambil patut ngemargiang penyedek utawi pangendek malih ring sang maduwe oka sane keambil, riantukan nyantenang pemargin jejauman.

ta. Prade wenten sinalih tunggil krama merangkat: utawi kerangka-
tang, krama saking duren Desa ritatkala matamuang baos patut
kesarengin olih Prajuru Desa Adat lan Sang Amawerat..

wa. Yening wenten pengetut saking kulewarga sang kerangkatang
patut atur supeksa ring Prajuru Desa Adat kalih Sang Amawe-
rat..

(4) Perabian sane tan kepatutang kadi ring sor :

ha. Tan dados ngerangkatang tumin dia nyama..

na. Pianak temen, pianak dia nyama, pianak tunggal susu, rerama
dia nyama, semeton sodet, semeton sios nyama, semeton dicam-
bra, pianak peperasan, pianak kualon lan warang. Yan mamu-
rug patut kepalasang tur mangda ngelaksanayang upacara pra-
yascita ring genah rangkate..

ca. Yan wenten anak mecihna memitra ngalang sekadi anak meku-
renan patut prajuru desa mawosin tur ngicenin pamutus..

ra. Yening sang kalih sami-sami nenten maduwe rabi patut kerang-
katang yan tan preside wicaranya katur ring sang Amawerat,
prade pemutuse patah sang lanang kedanda 100 kg beras..

ka. Yen sang lanang sampun maduwe rabi patut pemargin memitra
ngalange katur ring sang amawerat..

Palet 2

Indik Palas Merabian

Pawos 49

(1) Pawiwahan preside wusan melarapan antuk palas utawi kepademan..

(2) Wusan mapakurenan niantukan sinalih tunggil seda mapiteges balu
mekadi balu lanang utawi istri..

(3) Palas merabian wenten sangkaning pada lasia utawi mewiwit wicara
mecihna tan tumus suka citaning panunggalan idep sang alaki rabi
mapiteges nyapian..

(4) Tata cara palas merabian :

ha. Yan wenten krama Desa mapikayun jagi palas merabian patut
atur supeksa ring Prajuru Desa, olih Prajuru Desa wicaranya
kabawosin tur kaicen tetimbang mangda prasida adung malih..

na. Yan tetimbang Prajuru Desa tan keterima, wicaranya mangda
kelanturang ring sang Amawerat..

Pawos 50

Prade riwekas sang palas merabian mecihna adung malih patut nge-
laksanayang upacara pawidiwidanaan..

Pawos 51

(1) Soang-soang balu manut pawongania kabinayang dados :

ha. Balu luh wit sentana rajeg..

na. Balu luh boye sentana rajeg..

(2) Swadarmaning balu inucap patut :

ha. Ngawisesa waris, pegunakaya, tan kewase ngadol, ngadeang,
makidihang sajroning durung polih pamutus paigum saking sang
patut ngewaris..

na. Yening balu inucap meras sentana kedadosang yan sadurung
sinalih tanggil seda sampun wenten pidabdab tur kesetujuin
antuk kulewarga kepurusa.

Pawos 52

Balu inucap tan pageh sekadi ring sor :

ha. Prati krama.

na. Metilar tan pesadok jantos 6 sasih.

ca. Lempas ring swadarma seos-seosan tan presida ngesehin salah
maprewerti arep ring pituduh kulewarga purusa.

Palet 3

Indik Sentana

Pawos 53

(1) Mungguing sentana sane sampun ketah ring Desa Adat Kubakal
wenten kalih soroh :

ha. Prati sentana wiadin sentana rajeg.

na. Sentana peperasan utawi dama putra.

(2) Yening wenten Krama Desa pacang meras sentana patut atur supekta
ring Prajuru Desa kalih Sang Amawerat.

(3) Sesulur pemargin peperasane kadi ring sor :

ha. Sampun polih paadung saking wirang ngarep sang pacang
kaperas.

na. Atur supekta ring Prajuru Desa.

ca. Ngemargiang upacara peperasan tur kesaksinin olih Prajuru
Desa.

ca. Polih pamikukuh saking Sang Amawerat.

ka. Prajuru Desa patut nyiarang ring Desa pakraman.

(4) Sang keperas patut sekadi ring sor :

ha. Anak meagama Hindu.

na. Mawit saking kulawarga kepurusa, yan tan wenten kangkat
saking wadu, prade taler tan wenten dados sakita karep.

Palet 4

Indik Warisan

Pawos 54

(1) wewarisan inggih punika arta berana saba ayah-ayahan ngupadi
sukerta sekala niskala saking keturunannia arep ring turunannia.

(2) Sane kasinanggeh warisan inggih punika :

ha. Drua tengah karang paumahan, miwah pura sasuhunan.

na. Guna kaya tetadtadan, jiwadana, lan utang piutang.

Pawos 55

(1) waris luire :

ha. Prati sentana kepurusa utawi sentana rajeg.

na. Sentana peperasan.

(2) Prade tan wenten waris manut wiwit (i) sane dados waris luire :

ha. Turunan kepurusa kapernah ngunggahang rerama lanang dia mi-
san, rerama dia mindon, miwah selanturnia nedunang.

na. Turunan kepurusa kapernah kesamping mekadi keponakan, keponakan dia misan, miwah selanturnia nedunang.

- (3) Yan putung utawi campur tan madue pepernahan, kewaris antuk Dadia, yan tan madue Dadia keserahang ke Desa Adat.

Pawos 56

- (1) Prade sajeroning pakulewargan wenten waris langkungan ring adiri patut :

ha. Kawentenang paigum indik pedue waris inucap.

na. Yan tan presida ketunasang tetimbang ring dulu-dulu (Kerta Desa).

ca. Prade taler tan wenten cumpu ring panepas Kerta Desa, kengin ketunasang ring sang Amawerat.

- (2) Sinalih tunggil ahli waris kengin tan polih pahan prade :

ha. Tilar kawitan lan sesananing Agama.

na. Alpaka guru rupaka.

ca. Sentana rajeg, kesah mawiwaha utawi prati sentana nyeburin soang-soang kebawos ninggal kedaton.

SAT SARGAH

WICARA IAN PAMIDANDA

Palet 1

Indik wicara

Pawos 57

- (1) Yan wenten wicara ring Desa Adat Kubakal patut kebawosin tur keputus olih perarem Desa, miwah pemutus inucap kemargiyang olih Prajuru Desa.

- (2) Prade sang mawicara tan wenten cumpu ring pemutus ring ajang, kengin nunasang wicara inucap ring sang Amawerat.

- (3) Sehanan wicara utawi pegejuh sane macihne lempas tur mamurug ring sedaging awig-awig pasuara muah perarem Desa wenang kebawosin tan malih ngantos pesadok.

- (4) Sehanan pemutus tetepasan wicara tan maren nepek ring sedaging awig-awig pasuara lan perarem.

- (5) Sehanan pemutus wicara tan maren mangde sang mawicara adung nyungkemin tur nganutin tetimbang prajuru lan perarem desa.

Pawos 58

- (1) Prajuru Desa wenang nunasang geguwat pemutus ring sang Amawerat prade wenten Krama Desa Adat amandel ring pemutusnia bilih-bilih ngawinang duskreta ring Desa pekraman.

- (2) Krama Desa Adat tan cumpu ring tetimbang tur pemutus perarem Desa Prajuru Desa Adat nunas pematut ring Sang Amawerat.

- (3) Prade pamutus pateh ring tetimbang tur pemutus perarem desane, muang tan cumpu wenang kedanda 50 kg beras.

(3) Luwir sang ngalingga tang Palet 2

na. Kabertana Prajurit Indik Pamidanda

Pawos 59

- (1) Desa Adat wenang atatiwak pamidanda ring Krame sane sisip.
- (2) Tetiwak pamidanda sane kemargiang ring Desa Adat Kubakal olih Prajurit Desa madudonan manut kasisipane.
- (3) Bacakan pamidanda sane kemargiang ring Desa Adat Kubakal minekadi :
 - na. Danda ayah panukun sisip.
 - na. Danda Arta.
 - na. Panikel, urunan muah panikel dedandan.
 - na. Danda upacara muang penyangaskara.
 - ✓ ka. Keeladang selami sadurung muputang swadarma, ayah-ayahan, utang-piutang ring Desa.
- (4) Pamidanda sane merupa arta brana dados druen Desa.

SAPTAMA SARGAH

NGUWAH NGUWUHIN AWIG-AWIG

Pawos 60

- (1) Nguwah-nguwuhin Awig-Awig Desa puniki kemargiang antuk Paruman Desa Pemangku Pura Puseh.
- (2) Paruman Desa pacang mawosin daging wicara sane inucap ring wiwit (1) ring ajeng mangde kdasarini sangkaning pekarsan Krama Desa.
- (3) Peparuman indik pacang mawosin nguwah-nguwuhin awig-awig inucap kengin medal saking Prajurit Desa utawi silih tunggil Krama Desa.
- (4) Pemutus bebawos kdasarini antuk perarem gilik seguluk yan tan prasida suara sane makehan kasinanggeh pemutus.

ASTAMA SARGAH

1. Kepala Dusun Kubakal S A M A P I A Kepala Dusun Kubakal

Pawos 61

- (1) Awig-awig puniki mewasta awig-awig Desa Adat Kubakal.
- (2) Awig-awig puniki kemargiang ngawit keraremin.

Pawos 62

3. Kepala Desa Pempatan,

- (1) Sakeluwiring sane wenten sadurungnia patut keanutang ring sedaging awig-awig puniki.
- (2) Sakeluwiring sane durung bebawos ring sajeroning awig-awig puniki patut kelaksanayang manut tata cara sane sampun ketaah memargi kedulurin antuk perarem.

Pawos 63


- (1) Awig-awig puniki kesungkemin antuk paruman Krame Desa Adat Kubakal duk rahina tanggal/panglong ping sasih isaka warsa tanggal masehi ring
- (2) Prajurit Desa Adat Kubakal kalih para saksi sane sareng ngardi awig-awig puniki saha ngalingga tanganin.

(3) Luwir sang ngalingga tanganin :
ha. Kapertama Prajuru/Dulun Desa :


1. Bendesa Adat Kubakal


I Wayan Susana


2. Pangliman Desa Adat


()


3. Penyarikan Desa Adat,


I Wayan Ratnadi.


4. Sedahan/Juru Raksa
Desa Adat


I Wayan Redana.

5. Keliang Banjar Kubakal
Kelod,


I Wayan Wartama.

6. Keliang Banjar Kubakal
Kaler,


I Nengah Arta.

7. Pemangku Pura Puseh,


Jro Mangku Riin.

8. Pemangku Pura Dalem,

Jro Mangku Merta.

na. Kaping Kalih Prajuru Desa Dinas maka saksi :

1. Kepala Dusun Kubakal
Kelod,


I Wayan Wartama.

2. Kepala Dusun Kubakal
Kaler,


I Nengah Arta.

3. Kepala Desa Pempatan,


I Nengah Osek.


4. Camat Rendang,

Ida Nyoman Dielantik, BA.
Nip. 010076481

Amlapura,

Mengetahui :


Bupati Kepala Daerah Tingkat II
K a r a n g a s e m,


I Ketut Mertha, Sm.IK.

TIM PENYEMPURNA/PENELITIAN DAN PEMBINA, PENYURATAN
AWIG-AWIG DESA ADAT KABUPATEN DAFRAH TINGKAT II KARANGASEM

- Penanggung Jawab : Bupati Kepala Daerah Tingkat II Karangasem
wakil Penanggung Jawab : Sekretaris Wilayah/Daerah Tk. II Karangasem
Pengarah Penasehat : Asisten Tata Praja Setwilda Tingkat II Karangasem.
S e k r e t a r i s : Kepala Bagian Hukum Setwilda Tingkat II Karangasem.
wakil ketua I : Ketua Badan Pelaksana Pembina Lembaga Adat (RPPIA) Kab. Dati. II Karangasem.
wakil ketua II : Ketua Parisada Hindu Dharma Indonesia Kab. Karangasem
Sekretaris : Ka. Sub. Bag. Bantuan Hukum pada Bagian Hukum Setwilda Tingkat II Karangasem.
Bendahara : Bendaharawan Proyek pada Bagian Hukum Setwilda Tingkat II Karangasem
Anggota-anggota : - Ida Bagus Ngurah SWD. (Parisada Hindu Dharma Kabupaten Karangasem).
- Ida Bagus Ketut Iantra (Staf Pengadilan Negeri Amlapura).
- Drs. Ida Bgs Wayan Oka Diksa (RPPIA Kab. Karangasem)
- Drs. I Gusti Lanang Jendra (Kaur Umum pada BP. 7 Kab. Dati. II Karangasem).
- Drs. I Wayan Sutar (Staf Kantor Departemen Agama Kabupaten Karangasem)
- I Made Sardjana, Sm. HK (Staf Kejaksaan Negeri Amlapura)
- I Ketut Sutawan (Staf Polres Karangasem)
- Drs. I Wayan Astika (Ka. Sub. Bag. Agama, Pendidikan dan Kebudayaan pada Bagian Sosial Setwilda Tingkat II Karangasem)
- Ida Ayu Ngurah Sudhewi (Ketua WHDI Kab. Karangasem)
- I Made Mintaka (Kantor Sospol Kabupaten Karangasem)
- Unsur Bagian Hukum Setwilda Tingkat II Karangasem.

Amlapura, 3 Maret 1999
Team Penyempurna/Peneliti dan Pembina
Penyuratan Awig-awig Desa Adat Kabupaten
Daerah Tingkat II Karangasem

K E T U A,

WAYAN YASTIRA, SH.
Nip. 600006211.

S e k r e t a r i s,

I KETUT IUNAS, SH.
Nip. 600006919.